

Skirbi pa Clyde Harms

Un recuerdo di un mucha di 7 año di Shon A Eman

ORANJESTAD – E articulo den un corant local si man pasa recordando bida di Shon A Eman y e lucha pa Aruba ta “baas den su mes cas” a habri mi bahul di recuerdo y mi kier a comparti un di nan cu mi lectornan.

hende tabata masha excita. E tempo ey famia Eman tabata consisti di Shon Henny y su señora “Tan” Cila Eman-Lampe, Shon A y su rumanan Sieg, Fedie y Fiechie. Nan tabata biba na Schelpstraat, banda di caminda awor ta Optica Kok. Schelpstraat tabata keda asina cerca di



Na año 1938 mi tabata tumales di piano for di Juffrouw “Fiechie” Eman, ruman di Shon A. Un dia e año ey mi a yega na cas di Shon Henny Eman y mi a ripara cu tur

lama cu e porta di e cura pa tras tabata habri riba lama. E pintura adhunto haci na 1936 pa Padu Lampe, un primo di Shon A, ta muestra con cerca



Un poco spanta pa e excitacion cu mi a topa, mi a puntra ta kico a pasa. Sieg, un bon amigo di mi ruman Harold, a splica mi. A caba di drenta un telegram di Corsou cu e mensahe cu Shon A su examen di abogado tabata exitoso. Shon A a slaag! E ta abogado den Reino Hulandes. Por algo henter famia tabata asina emocionada.

E dia ey Cornelis Albert Eman a haya e herment cu e lo uza como “abogado di pueblo” e resto di su bida. E dia ey Shon A a haya e herment cu e lo uza den su

carera politico y como representante di e pueblo Arubano den e lucha pa autonomia for di Corsou, pa ta “baas den su mes cas”.

E lucha pa separacion a yega na un punto culminante 18 di maart 1948, dia cu Shon A a entrega na Reina Wilhelmina e peticion firma pa 2147 homber Arubiano. Por cierto, dos omo di mi a firm’e. Mi papa no por a firma pasobra el a nace na Bonaire. Como muhenan no tabatin derecho di vota, mi mama no por a firma tampoco.

Shon A no a biba pa wak e

fruto di su lucha, pero cu hopi satisfaccion e mester a mira di aya riba cu su yiu Henny a bira e prome Prome Minister di e pais autonomo Aruba. Y como un visionario cu a lucha pa su vision di un Aruba independiente di Corsou, Shon A mester ta orguyoso di su yiu Mike cu awe ta lucha pa su vision di un Aruba independiente di energia no renobabel.

Pueblo di Aruba hamas lo lubida loke e “abogado di pueblo” a haci pa e isla aki y ami hamas lo lubida e dia na 1938. clydeharms@yahoo.com